

## 17.25 CUNTRASTS SIN SRF 1

---

### «Fascinaziun Taunas» – cun Pepino e Rafael en il mund sutteran



Stgir, fustg e stretg – quai è il mund dals dus speleologs da hobi, Rafael Maissen e Pepino Lozza. Suenter lur lavur sco mazler e mainaprojects, perscruteschan els il mund sutteran en la Cadi. Dapi l'onn 2018 exploreschan els lur sistem da grottas e sfendaglias ch'els engrondeschan di per di. Tradir nua che quelè, gliez na vulan els betg. Els mainan noss redactor Flavio Deflorin profund en la terra e mussan ad el, tge che fascinescha els propi, tge ristgs ch'i dat e tge plans ch'els han anc per il futur. En il mund sutteran chattan els lur fascinaziun per cuvels e grottas.